

應山縣志

首卷

凡例

序

姓氏
繪圖
目錄

北 260.73

38

31-16

3443

五

應山縣志序

歲辛未余權守安州而應山縣志重脩告成其
邑司訓任君來見以序請不獲辭乃為之言曰
邑志之重古詳之矣蓋上之人所據以為治而
下之人所倣以受治者也烏可一日無哉故凡
郡邑之志乘其有歷歲月之久遠與兵火之凋

應山縣志

卷首

序

一

殘致於廢缺散佚則有志之士閔焉而不惜其
力而為其爬之羅之補之掇之必至於燦然成
書而後快今茲邑之志自康熙四年著錄以來
迄今且二百載其為歲月也久矣重以髮捻之
擾無遺黎焉其為凋殘也甚矣大亂甫定百廢
未舉而諸君子獨知以是為急前後賡續以要



其成披而讀之蓋凡邑志之所宜有者舉皆備
焉誠可謂立志之篤而用力之勤也應於是為
有賴矣夫應大邑也三關之險今不異於古而
何以寇履之如平地也大小宋白龍翁之文學
風節科第昭昭史冊今獨無以作興而繼續之
乎楊忠烈之大節雖山陬海澨婦人孺子談之

應山縣志

卷首

序

二

無不流涕則菴其鄉邦而為其後進者宜何如
乎是在官斯土與生斯土者交勉焉雖然此固
用力於是者之志也而何以予之曉曉為哉

同治十一年陬月鹽運使銜升用道知德安府
事閩南陳建侯序



所關匪淺而竟聽其散廢以終焉亦守斯
土者之恥也昔揚子雲為郎官必咨鄉語
朱紫陽典南康首重郡志良以天時地利
人事俱麗志以傳俾生斯土者是則是倣
官斯土者不愆不忘也余每於公暇想古
人之遺用與都人士相商網羅舊失補綴

應山縣志

卷首

序

二

新聞因革損益有關政教者必書忠孝節
廉有係風化者必錄凡夫星辰之躔次人
材之盛衰山川道塗之險易賦役兵刑之
消長莫不燦然具舉秩然不紊雖不敢信
其無遺無濫而搜括已遍體例已全志至
是亦足徵矣是皆諸君子樂善不倦之力

余幸得相與以有成也他日宣諸史館以備採擇用昭

聖朝

覃心郵治加意職方之休則修志一舉豈特一邑之光哉即以當采風報政也可

同治九年冬月長至日知應山縣事庚午科湖北鄉試同考官星沙鎮廷氏周道源

應山縣志

卷首

序

三

識於永陽官廨



應山縣志序

縣邑之志所以紀載山川人物以俾官於土者之
舉行其善政與生於土者之感發其善心也善政自乃
功令而各因生地之所宜則舉行為最當善心亦自具
天良而為耳生邑之嘗只是人則感發為克切得百里
之地而君之生閭境土因民所賴以生長村巷民所賴
以保聚雨暘水旱何以先時而為之備形勢險要何以
先事而為之防皆宜默運精神不下堂階而坐照於几

應山縣志

卷首

序

四

席之上然而非志莫由至於鄉舉至選之法今日既專
用文藝取士否則例仕一途生有敦崇實行應古人孝
友睦姻任恤六行之書此當生時未嘗不傳而歷時既
久漸就湮沒使人莫知為善之利夫十室之邑必以忠
信五步之內必有芳艸語云細行受細名大行受大名
專情口碑傳誦所以沒世不忘則亦安得人人盡如伯
夷柳下惠叔亥一藝之長無不庸一行之善無不錄實
藉世譽光榮以為激發人心之具而天下之好名者遂

無不克歸於善為之斯之則亦漸即於類凡今風俗之
衰皆由邑未不修故也應山之弓前志實成於康熙十
二年於今百九十七年矣溯自康熙十二年以前其舊
序所載則康熙四年一修又溯而上之則前明正德年
間一修為歷年間一修前之修其何勤而後之修其何
希而濶乎得毋以邑苦貧瘡艱於費而不能集事乎
抑名實淆亂繁且競紛操月旦其憚於下等遂因而坐
廢乎何生成之難也然而百九十七年生士之登科甲

應山縣志

卷首

序

五

其幾何出而仕官成功業其幾何生默而自修名不出
於鄉里當時亦未嘗不稱而今且莫能道其姓氏其又
復幾何至於深閨幽質柏松貞耐冬風霜莫邀禮顯
又復幾何文獻行之士原匪求名而秉彝之良人心因
具乃以因循坐廢之故遂使生芳言懿行鬱而不彰太
史公作史記自序曰是余之罪也文是余之罪也文今
潛流幽光莫發莫覃不亦後起比之責乎同治七年
予來應山邑人士蓋久有此志於前任劉君時已書簿

創指平地一篲不任下車遂合辭以請緣為究其沿革作得漢縣考一篇商之同人僉以為是而他部未之及後卸事去今歲七月又以代理簾缺赴任邑人士重理前說而進士吳純齋觀察已東集志稿成冊予披而讀之其叙次山川原委詳明臆列闕卡憂尔思遠稱述行誼亦頗具其文惟於選舉一門不先科甲仕官一門於分內外與鄙見稍異齟齬欲待歸共商訂而久滯者恒莫由面質多士又方屆秋試迨至榜後開局

應山縣志

卷首

序

六

器中而忽及瓜代不易速成僅修定天文地理兩門并於省志中蒐得文教篇舉以貽之多士蓋予之所重也在於山水以為民生衣食之源當先事而為之備也至於餘則前志具存如南北二壇之舊教治南治北後祀東西今已議改正擇地而猶未舉行及

文廟兩廡先賢先儒位置先農壇之地皆禮樂之事所謂以俟君子也尚待本任周君及邑士踵成前美諒無不心誠補衽聿觀厥成而予以予之謏陋多文且草創未

就何敢言序奈此君必欲玷予一言夫子於應山其緣
淺而情深也久矣先是 胡文忠公改定漕卒之歲予
實奉檄于役於予又以引

見入於兩出此道見所謂平靖閩也乃屹然雄障也因思

文忠公嘗用兵時刻以三閩為念洵屬密電遠猷
及前歲權篆穩心吉陽乃大洪楊忠烈公故里也居官
來君子之鄉得瞻拜其遺像何幸如之繼又見韓孝子
葉孝子里乃出當兵燹後邑屋猥能完好故此非

應山縣志

卷首

序

七

默堡若國練捍衛之功乃忠孝之澤庇之也邑人士勉
乎哉邑於分野為張宿 梓潼帝君於詩為張仲孝友
實為天上張星應山當宋仁宗朝四十年中有四狀元
得非天上張星之所降靈而集曜也乎今雖不如古而
近科以來捷南宮入詞館蒸日土今科社貴又出予
狂言門素此中文運幸聞而予亦與有夙緣歎多士勉
乎哉勉為文學科第若二宗勉為忠孝名臣若李若楊
若洪勉為清修高潔若連勉為孝友若葉若韓

俾往來是邑坊坊嘖々稱羨曰此甘邦固代產名人非
 可以下邑比也予雖多善政及民而習聞此邦之
 善不亦與及榮施也乎是為序
 同治九年歲在庚午九月十九日

權知應山縣事涇上朱榮實謹序



應山縣志

卷首

序

八



續修邑志序

應志不續者二百年兵燹後又遭秦火
獻等周黎徵什一於千百不可得於按
灰燼未成之編鋒鏑餘生之口彙殘
成帙其不為缺畧為訛謬者幾何然
事乃重閩邑志不能不撮其要者一則

應山縣志

卷首

序

九

善政不可忘應邑地瘠民貧賦役歷
蒙優恤若張侯子約之均田周侯跡子
之設樞楊洪二先輩之邀免籽粒諱草
至書法已往善政也近若胡文忠公
改於邑耳聃侯陶參復官徵吳侯木參
守銀價宋侯秋園禁頂完又本任周侯

撤外樞免差返注目苟善政也至於驛
站民夫徑前任本任之清查革除殆盡
凡此措字深恩均當載為甘棠永垂不
朽者也雖歷代經制未悉源流而實惠之
身受者確矣一則武備不可廢應歷承
平日久民不知兵寇亂十餘年被戕擄者

十餘萬廬舍印墟資財蕩盡自固練起
而城一可守寨堡起而鄉一可守野雉山城備
嘗辛苦綢繆未而紀載宜詳也一則懿
行不可沒忠孝節烈民極也應邑累代
芳型舊蒙旌表髮檢之亂宛節尤多
迄今不採則坊表已經剝落漸即荒煙

芳徽未及闡揚、永沈幽谷雖撈索不
免遺珠而聞見所周管城子不能辭
其責也若夫學宮書院賓興試卷等
費尊崇聖道嘉惠士林如舊置膏腴
亂後條多乾沒新規沃壤歷年亦以侵
漁滄桑至今定楮墨乃靈則文教中之

應山縣志

卷首

序

十一

義捐必不可失也是四者法邑治之大而
今日當務之急也舉其大者以綱之在賦

役所重在土田民賦不掩桑梓之窟武
備在所重故道里山川不及風景之錄
他如人物必先忠孝雜記不錄神奇苑
文祇風化之作而不取他類則重在懿

行也。頒行祀典而外，庵觀禪院費巨資者不載，則重在文教也。所重在此，則所略在彼，此不宜略而略者，古制不能詳取，今需盡之，所闕不能悉即目見存之矣。今所出，雖所冠缺略，待補訛謬，得正祇留。此採訪之所，且以為縵

修者助此，則草錄之意也。夫若繩以等墨，則不敢

同治十年正月壬元日邑人吳天錫序

舊志序

夫應山之有志舊矣而奚事於重修爲邱賦而修也夫
重修之志爲類者十有二而食貨僅居其一食貨之爲
目者四而邱賦僅居其一其是邱賦之載於志亦偏矣而
奚爲此也嗚呼此余意也稽之於古豳風詠農功而王
業之根本攸係禹貢敘田賦而平成之駿烈以基自周
而降若董仲舒之議限田紀於漢史而李翱之論平賦
則唐史述焉由是觀之三代而上邱賦之事見於經三
代而下邱賦之事見於史向使經史無徵則雖有良法

應山縣志

卷首

舊志序

十三

美意足以係王業而基平成者且泯泯於後世經不可
追矣然則志亦史體也而可少乎哉國家軫念民事田
定分賦定法酌古準今其制盡善宜無復慮矣但考輿
地圖應山爲楚之窮邑當南北阨塞之孔道昔經元末
之亂此蓋戰場也戎馬蹂踏化爲兵火之墟而無復畛
畦之跡及天戈平定然後流民歸農稍稍芟墾而賦法
草創其後加以貧富貿易挾直而上下其手奸宄飛射
行賄而增減其籍以蔽田賦不均或田寡而賦倍或田
去而賦存迄於嘉靖隆慶間而六壞極矣民不堪其

累而逃亡日甚邑之東北鄉遂至汚萊塞於畎畝狐兔
宿於舍廬極目荒墟之狀其不爲國初者幾何哉是宜
有志者之所動心也余少而學誦幽風之詩讀禹貢之
書按限田之說覽平賦之篇知田賦之爲重上關國本
下關民命慨然有意於當世久矣逮壯而出每與時違
詞居諫垣而不識忌諱幸蒙

聖明之寬與使得待罪應山感恩省咎愧無以報也履任問
陪得民之所最苦者惟田賦不均爲卓遂上請監司約
法誓眾以丈田清賦爲己任拮据鞅掌甫數月而事竣

應山縣志

卷首

舊志序

十四

賦與田稱逃亡者漸復其處又苦徵斂雜出乃倣古免
役之遺意量定庸錢合田賦而三限輸焉雖婦人孺子
亦可執單而算納愚弱之民頗便之噫由一方以推四
海其田賦爲崇者何限而余區區茲邑安能大有補於
當世聊以據夙昔之所懷竭孤臣之一念耳應山士大
夫共指贊刻清賦紀以傳其事非不詳蓋然猶家乘非邑
史也余懼其傳之弗永致後泯泯焉於是屬筆於夢郊
劉君佐以鳴字龍君取舊志而一新之類分目列而獨
詳於食貨尤詳於邱賦前乎此曰天文曰地理曰人事

三才之道不可缺也後平此曰秩官曰文教曰武備曰
惠政宦茲土者之所揆奮而畱愛也曰選舉曰人物土
之靈秀所毓也曰祥異曰藝文觀風博物者之所必考
也胥蒐葺而潤飾之以備應志之大全然意之所重自
有在也志旣成余爲之引其簡端以告後來者誠於邱
賦等法循行不廢而永福應山之民是體余修志意也
亦體國家重民事之意也萬曆四祀歲德在柔兆困敦
之青陽吉戶科左給事中出知應山縣事會稽張博謹
序



舊志序

應山爲縣自梁隋迄今千餘年諸凡山川地理之形勢
人才物產之盛衰風俗習尚之美惡開創建設之本末
宋元而上絕無可考今者不錄後益失傳也此志之修
也九邱周志遠矣今可見者遷八書固十志以下一篇
也大書也論疏歌辭雜著之屬因文而入也此志之體
也今之志卷而計也分而註也別詩文而彙之也一志
也何取乎卷而計也自我作之自我註之非得也類聚
詩文選文集詩者比也斯志也始末一篇也大書而不

應山縣志

卷首

舊志序

十六

分註也詩與文因事而附見也一篇者備史例也不分
註考明已作也詩文附見者主乎事不主乎言也此志
之例也名宦自紹祖而下鄉賢自二宋二連而下宰是
邑與生斯土者各得所師也此志之教也平江始其事
鉞也成其謀升父筆之書此志之人也平江爲舊令尹
談文瑞氏升父爲邑人顏木氏也正德丙子九日東墅

莊鉞謹書

前志序

天下之志曰史一邑之史曰志其名異其義一也孔子筆削魯國春秋而萬世共尊爲經焉者淑慝因其實是非權於義不以繁文縟采炫耀今古之聽聞也是以董左無以擅其長游夏莫能贊其辭

國家定制大經大法之關於治體者咸載

國史以垂久遠其城闕學宮之沿革山川形勝之險易禮制風俗人情之變遷官吏之賢否政事之理亂人材文學之盛衰忠孝節烈道德仁義之流聞以及關津橋梁應山縣志卷首前志序十七

之修置土物之宜以及夫田地賦役戶口之數史所不及列者咸

命隄成一書以爲觀風問俗之助事有所不通政有所可疑於斯乎取裁焉甚盛典也蓋史者百代之經緯志者一方之實錄纂其書者雖不敢僭同

國史亦宜尊崇聖經事因其實辭權以義使觀之者足信傳之者不疑勿務矜其奇奧逞其豔葩淆亂一時之耳目使涇渭不分實虛莫辨也必以文辭爲工乎則是房心軫翼之分主客李犯之次可臆以爲測而直轄鄆阨

之險漢沔瀕湘之水可懸以爲注而畦畹之步畛畷之
度溝洫之界川澮之域可妄以爲定也而觀射父左史
倚相之流以及季梁子文屈原春申邑邑皆可爭以爲
重僞以競勝也且必出於文然後可則是班馬之章可
勝於紫陽而左國之傳反勝於鄒曄也則是春秋之經
以徑直見詘而綱目之書以渾樸見鄙也夫史之爲史
已爲文勝其實矣又從而文之是非繽紛美惡參錯爲
蔽爲欺爲黨爲誣而已矣何志之足云匯本中州下士
浚水鄙人學既未成仕亦不優本無作史之才適際

應山縣志

卷首

前志序

六

院司道郡大人徵志之期不敢任也不敢委也惕惡交
集勉強拮据參酌舊文彙編爲帙甯樸甯拙不敢爲蔽
爲欺甯固甯陋不敢爲黨爲誣疑以傳疑信以傳信敘
所宜敘刪所宜刪尊聖人之經奉

天子之法庶幾乎無違各大人之憲令也云爾敢曰志哉

康熙四年十月丁卯之吉

賜進士知應山縣事中州王匯序於永陽之連山齋

前志序

乙巳應山續修縣志其所以考古證今斟酌至當者俱
邑侯王公手訂焉復命余紀其事於末余思公之政優
學裕雖案牘旁午兼精詞翰余審因陋亦同一辭莫贊
已爾獨是邑有嘉謨嘉猷而不布聞吾黨之責也矧承
公之命又曷可以已諸夫邑之有志勸懲篤焉士民之
耳目恆於斯較之月吉縣家不啻也邑志弗修厲世磨
鈍之意謂何故教有時或息功有時或易書之冊而世
守之其爲風示也不亦遠乎在昔蘇轍之言曰域中有

應山縣志

卷首

前志序

十九

三大權吏居其一吾謂天下之志固史一邑之志亦史
也今觀斯志秩然有倫郁然有章由勝國以及昭代增
新沿舊其間風氣之所宜民俗之所尚無遁情焉往事
之得失治道之張弛因時補救之緩急先後無匿旨焉
山川疆域之條理人物食貨之利賴賢才學校之奮興
忠孝節烈之綜核無遺義焉殆彙前哲之述作而爲一
大成者與且也尊所聞而行所知文必貫道事必據理
仰資國是俯協輿情貞者益以勸慙者足以懲誠史外
傳心之宗旨也豈徒志其邑之故君子於此可以觀政

可以觀學矣不然何已無志徒摭採舊文考見陳迹是亦掌故習傳者流也又何俟余言之喋喋哉是志也成推之州郡而準推之邦國而準推之天下而準推之千百世而無不準彼江漢楚風也何以繫之於經倚相楚材也何以尊之曰史異曰太史採風譜爲

國典則是志也經也史也不與掌故習傳同也故曰君子於此可以觀政可以觀學矣

康熙四年乙巳季冬月邑人朱孔照謹序

應山縣志

卷首

前序

二十

前志序

縣志工竣頒示于學雲也受而藏之展誦及再而不能
泯于言曰是余之職也夫是余之職也夫天下靡不受
成于學茲徵惟文典型惟獻經史圖章咸藏學宮卽有
闕略隨時補綴以備諏詢但考周之盛也河圖大訓煌
然兩廡魯之弱也猶秉周禮國未可動丕男今昔善政
攸隆故曰學者政之基也師者學之會也文者師之任
也登雲任重力輕志強才弱安能珥筆藻繪石渠幸構
成書獲瞻和璧敢不佩服以勉多士敢不珍襲以傳奕

應山縣志

卷首

前志序

三十一

襖肅述鄙言爰紀其事

康熙五年孟春之吉

應山縣儒學訓導張登雲謹撰

前志序

隆古雍熙之治首稱唐虞然自甲子可紀制度憲章可推後世禪代繼承紀載漸備於凡因革損益之故得失是非之林萃爲一編者莫如通典通考通志諸書儒者謂之三通信矣通志繼龍門史記而作雖列世族六書七音天文地理郡邑器服校讎圖譜金石災祥昆蟲草木職官選舉刑法食貨廿十略於前唐杜佑始創通典又列田賦錢幣戶口職役征權市糴土貢國用選舉學校職官郊社宗廟禮樂兵刑輿地爲典後復益以帝系

應山縣志

卷首

前志序

三

封建象緯物異五事至明又益以備義氏族燦然該洽應志殘闕詳略失次屢經採輯而未當爲其令者不能周知其山川形勢戶口田賦人物風俗而取正焉曠也今上御極之十一年海內莫安車書萬國爰

命詞臣纂修統志檄下郡縣雜志之以備良太史採輯之用
祜復開局禮士相與矢公慎顯幽微博稽羣考接古續
今期無負

聖天子右文之治蓋幾浹月而書乃成共八卷目錄三十六
帖得賜言以叙其詳略之所從來應之爲國上古以前

無徵焉春秋時爲鄭子然考諸傳曰漢東之國隨爲
大是隨統諸郡而爲名今應與隨壤相錯隨必欲跨而
有之者詭也其山則高貴之嵯峨三鍾之竦峙其水則
龍潭之奔激汶川之縈迴洞庭闕其靈雲夢盪其胸莽
莽熊能鬱鬱葱蔥故其望之生人往往多浩落奇杰之
士或以文章取巍科第或以清遠自好澹然權勢之外
或忠貫日月義薄風雲憑孤城而不懼甘披拂而不悔
如宋之鄭獬王世則二宋二連以及李公庭芝與夫明
之楊公大洪諸君子項背相望後先輝映矣豈非靈秀

應山縣志

卷首

前志序

三三

所鍾應固多人哉獨其地北枕三關南通百粵爲楚之
僻邑冠蓋之所紛拏車馬之所馳驟資糧屏履餽餽芻
秣之所給求令終朝負弩矢持手板望塵遮道靡盬不
遑者真函谷之候吏耳則供應難山石磳确應之土田
無饒沃陪故焉西山大役之後瘡痍未起民氣破傷加
以饑饉薦臻流亡轉徙煙火蕭條訟獄繁興則撫字難
山無巨浸舟楫不通糧運險阻輓漕之費率以數鐘而
一石民有委積而避者矣則轉輸難枯固無所挾持

二既幸應多君子景仰儀型助流政教而

不能不怵於其難也下車以來所爲經營慘淡以圖此
應者念供應之難則腰站有請闕市有鳩郵政舉矣念
撫字之難則均賦役革陋規剗肉之民有起色矣念轉
輸之難則多方以告重費少息民力差寬矣他如勤講
課以作士捐羨耗以薄徵嚴保甲以弭奸廣積儲以備
賑要亦恪遵

現令克副

聖天子親民之寄與夫各

慮臺考校之誠雖乏三善四最筆之於書足以誇世而駭

應山縣志

卷首

前志序

二十四

俗而不忍使後之令應者不知應之難而多爲之所嗚
呼觀於此志而山川之經緯形勝之控制戶口之登耗
田賦之盈縮人物之盛衰風俗之醜澆亦大略可觀矣
則因時以制宜變通以適用邑之人咸厚望焉至於表
異以徵奇搜遺以誌勝青雲接地呈六鼇戴林之能華
蓋昂霄開八面玲瓏之窾自有楚寶諸書可取而考也

謹序 時

康熙十二年歲次癸丑小春之吉

文林郎知應山事知縣周祐撰

前志序

三代以上之文章三代以上之治道也堯之文自成功
周之文鑒二代治可爲文也禹貢列九州之山川次於
典謨國風備十五土之紀載先於雅頌文皆爲治也後
之文章政事各有專名而文之可以寓治者則有郡縣
之志學者謂志與史一也而不知志通於經而詳於史
占星野覽輿圖可以知陰陽之理萬物之情則志通於
易考政治之得失察地方之利弊觀民俗之清濁則志
通於書風謠出其中山川物產出其中其因事因時而

應山縣志

卷首

前志序

二五

紀列者有美刺有正變則志通於詩至於詳理亂覈官
制辨等儀則志通於春秋與禮史之所載皆君國大事
凡書之不勝書者畧而弗書宋儒有言西漢以下少信
史未嘗曰後世多疑志則志必有詳於史者矣雖然志
未易言也以一人之才志一邑之地之事之人物之食
貨其爲聞見考訂有限也況志之中繁簡多端疑信不
一欲使眾人之學術才思如出一人之胸之手抑已難
矣苟非抱大經綸具大手眼酌古準今出經入史者豈
易堪志之任哉我

聖天子御政之十二年宇內穆清人材蔚起大臣猶謂各地
方文獻典籍多有關於治理不可令其放失其奏有
制曰可勅地方官纂修勿忽部撫藩臬頒其議於各屬邑務
撰述必得其人我

邑令周治應之四年政修人和德洽信孚適膺斯任合
草創討論修飾而特加潤色不期月志成壁讀之見其
斤風日運墨雨無痕將前後眾人之雙簡疑信者悉化
其偏而歸於正去其華而取其精淵宏璀璨直逼三代
以上通於經也詳於史也治皆文也文皆治也使人不

應山縣志

卷首

前志序

二十六

僅作志觀也如是始可為盛世之文也夫公以堯都鉅
望於山諳恆嶽太行之崇高於水洞滹沱易水之深廣
於人物習見歷代帝王之遺蹟王尊祖述諸賢之經術
志節閱歷積蓄用其有餘以成應邑之志有不與楚才
楚書照耀史冊者哉不特此也地里賦役志之所能載
所勝載者也風俗教養志之所不能載不勝載者也何
也邑之神君生息表正潛移默化用心於人所不見之
處邑之士民望仁講義爭自濯磨以庶幾於比戶可封
此豈志之所勝載所能載者乎切

聖天子仁風浩德如江海無窮史不停書相望於冊諸大臣
共贊隆平歲引月長後之吉祥善事志又何足以盡之
壁雖自甘於草莽哉蓋亦欣欣有厚願矣時

康熙十二年歲次癸丑上冬之吉邑人陳聯璧謹序

應山縣志

卷首

前志序

二十七

原修邑志姓氏

纂修

應山縣知縣周祜叔子北直慶都人戊子進士

校閱

應山縣儒學訓導羅人龍荆州枝江人

參訂

邑人陳聯璧孚尹原任河南分巡汝南道朱孔照雲臺乙未進士任蘇州府同知

武之亨貞子己亥進士陝西鳳翔知縣陳仰可稚山庚子舉人

盧士常昔夏庚子舉人周統新伯癸卯舉人

應山縣志卷首 姓氏 三六

譚繼周景濂己酉舉人張象升五皆壬子舉人

程致遠去泥歲貢任九溪衛訓導閔則哲慧先歲貢

新修邑志姓氏

監修

應山縣知縣周道源鎮廷順天宛平人原籍湖南長沙縣癸卯舉人

倡修

前署應山縣知縣劉宗元善長河南霍邱人

協修

前署應山縣知縣朱榮實秋園安徽涇縣人庚子舉人

應山縣儒學訓導 任步瀛 海農圻水人 辛亥舉人

總纂

邑 人 吳天錫 純齋己未進士 貴州試用道

分纂

邑 人 魏弼文 匡夫戊辰翰林改授 福建建安縣知縣

左紹鑾 翰珊辛未進士 廣東即用知縣

萬修墉 星垣己未舉人 恩施縣教諭

郝文楨 西翹丁酉拔貢 通山縣教諭

吳詠棣 少華己未副榜

應山縣志 卷首

姓氏 二九

陳 鴻 雲衢歲貢孝廉 方正候選訓導

杜之珩 玉山歲貢生

魏章渭 璜溪廩貢即選訓導

韓明煥 小園增生

編次

邑 人 劉耀奎 聚卿庠生

校對

應山縣儒學教諭 陳瑞珠 兩玉羅田人 乙酉拔貢

邑 人 傅炳坤 厚山辛酉舉人前署 太平府江防同知

李書恩 錫三甲子舉人

程子箴 鏡泉 恩貢生

劉榮炳 桐軒增貢生

左培儒 純齋附貢生

徐琢 玉圃廩生

饒登達 儀亭廩生

李惟中 雲鶴增生

張元珪 崑山增生

劉國棟 松亭增生

應山縣志 卷首

姓氏

三

錢紹伊 子書庠生

劉金蘭 梅品庠生

閔文浹 洽亭庠生

胡春瀚 海帆庠生

邑

監刻

人

楊長炯 茂亭監生

胡垣 星齋歲貢生

梅椿 寶芳同知銜

劉仁 厚田監生

陳紹元 秉彝都司銜

梅宗濬 虞川衛千總

陳廷鈺 寶山同知銜

吳端熾 昌侯鹽提舉銜

韓啓坊 表如州同銜

高煥章 俊民庠生候選知縣同知銜

採訪

邑人嚴國楨 庠生

楊徵笏 庠生

應山縣志 卷首

陳家譽 監生

楊祖勳 庠生

吳上朝 庠生

蔡森春 增生

李培元 廩生

李獻廷 庠生

陳中桂 廩生

傅子亮 庠生

向謨 庠生

姓氏

三

洪萬貞 庠生

彭文鍊 庠生

莊文治 庠生

李元勳 廩生

丁觀成 廩貢候選訓導

毛本楨 監生

楊國勳 庠生

吳前桀 廩生

程伯俊 廩生

彭汝濂 庠生

周維翰 庠生

楊錦庠生

閔作楫庠生

陳丙昌庠生

熊之紀附貢生

楊鳳岡庠生

楊鉅庠生

葉晉馨庠生

劉秀甲廩生

王清照庠生

孫兆熊庠生

陳之林庠生

李書策庠生

胡浩庠生

葉家棠庠生

葉家林府經歷銜

李白春增生

王化南庠生

黃立廉庠生

應山縣志 卷首

姓氏

三十二

石文潤庠生

樂文理庠生

闕枝桂庠生

劉國楨庠生

鄧梯雲庠生

易大維歲貢生

李詩炯庠生

左紹貞廩生

胡必榮附貢生

曹光杰庠生

劉蔭棠庠生

龍恩沛庠生

陳泮甲庠生

姚瑞珍庠生

李銘勳庠生

李詩士庠生

梅廷玉監生

閔洵監生

目錄

卷首

序 重修姓氏 目錄 凡例 繪圖

天文志

卷一

星野 祥異附

卷二

沿革

地理志

應山縣志

卷首

目錄

三十三

卷三

疆域

卷四

山

卷五

水 陂塘井泉附

卷六

道里 津梁附

卷七

古蹟 墓域 坊表附

卷八

土產

政治志

卷九

官制

卷十

職官

卷十一

應山縣志 卷首

目錄

三四

名宦

卷十二

城池 內外街市 官署附

卷十三

學校

卷十四

祀典 鄉廟附

卷十五

戶口 保甲附

卷十六

田賦

卷十七

驛鋪

卷十八

倉儲 賑恤附

卷十九

風俗 歲時附

卷二十

應山縣志

卷首

目錄

三五

文教

書院

賓興

卷費

考棚

學田

會館

卷二十一

兵荒

卷二十二

寨堡

人物志

卷二十三

選舉 進士 優貢

鄉舉 歲貢

鄉副 例選

孝廉 方正 武科 甲保舉

拔貢 鄉賓

卷二十四

紀恩

封贈

廕襲

諭祭

卷二十五

鄉賢

卷二十六

孝子 封服附

卷二十七

義士 篤行附

卷二十八

貞節 分上中下三部

應山縣志

卷首

目錄

三六

卷二十九

殉難 烈士 烈女

卷三十

高壽

卷三十一

方外

藝文志

卷三十二

名臣奏疏

卷三十三

忠孝節烈傳墓誌附

卷三十四

營建碑又雜文附

卷三十五

詩

卷三十六

雜記

應山縣志

卷首

目錄

三七

凡例

一 邑志不修者二百年兵燹後文獻無徵歷代官師人物與各項興廢損益無從采輯卽采入者亦或姓名年月諸多失考姑闕存疑俟博聞者補正

一 邑志備政治考核天道之常變地利之肥磽爲政治張弛所從出人物之盛衰藝文之詳略爲政治得失所由見故始天地終人物藝文中以政治贊天地之化而發人物藝文之華至事有博物所願聞政治所不廢不能並入各條者則附之雜記云

應山縣志

卷首

凡例

三六

一 卷分天文地理政治人物藝文雜記六項爲綱而政治卷內另分官制營建民事文教武備人物卷內另分選舉紀恩爲目中之綱又如職官爲目中之目而正佐分編詩爲目中之目而五言七言分編凡皆以清眉目便繙閱也各卷面與各頁翻面處均刊列之

一 修建賑施各項義舉不可湮沒無論已登碑刻與否均宜詳載以垂永久惟田畝捐費義士名數過多祇得另列一卷彙集備考

一 事有不類而類不免強題就我者如沿革一條博平

志載入天文細思察星野者本宜先考沿革茲亦編入天文志內以便類閱

一事有同類不必另列者如墓域坊表則附古蹟陂塘井泉則附水志等類

一事有重出不必贅敘者如驛站已見存留鄉賢已見選舉等類則註出詳某志

一各志詳略不同以地所輕重者異也應地當孔道向爲戰場又值兵燹之後故道里河溪橋梁村集均從武備起見以官驛爲主山以險要塞堡爲主餘皆從

應山縣志

卷首

凡例

三九

略

一邑志集隘不能備載家乘凡懿行之有傳記者錄其事實無遺詩文之有才學者摘其闡揚名教餘附家乘備采邑志不能悉登

一忠孝節烈例待身後論定如人尚生存非已經上聞者錄存續刻不敢遽登

一舊志條例分明無可改置因時殊事異增易多端故照目前輕重另行編列

一舊志所載後有變易者註之續出者增之若有事同

名異昔有今無不能確指其實與變易之年代者仍存備考如曹家井今改爲許家井八角樓今改在印臺山則變易者也原僅九寨今增一百有餘則續出者也至覆手山中界河等類今必有此山水而無此名則事同名異者也已塌之節孝坊百歲坊等類則昔有今無者也至問修自何代廢自何年則不能確指其實也又如應山改隸荆西道矣今隸漢黃德道則不能指其變易之年代也但淺陋者不知博學者知之故存以備考

應山縣志

卷首

凡例

四

應山縣志

官廨圖

應山縣志 卷首

官廨圖

四一





應山縣志

卷首

圖

四

學宮圖




應山縣志

卷首

四三

縣城圖



應山縣志

卷首

四十四

應山全圖

孝感縣界



應山縣志

卷首

東鄉圖

四十五



安陸縣界

隨州界

信陽州界

應山縣志

卷首

圖

四六

南鄉圖



南門

東門

同興店

應家店

應山縣志

卷首

圖

四七

西鄉圖



安陸縣界

應山縣志

卷首

圖

四六

北鄉圖



隨州界



信陽州界

四望山

界河

瞞箭塚

分水嶺

梁溪店

鄭狀元畝

店家泉

新店

花山

黃土關

店泉口

新店

新店

店孟畝

杏山

河家

應山縣志

卷首

圖

四九

宋公渡蟻橋

南關廂

古法興寺
今四賢祠



應山縣志

卷首

印台半月

圖

五



應山縣志

卷首

高貴凌霄





圖

五

應山縣志

乳巖九峙

卷首



古乾明寺

湖龍

應山縣志

卷首

圖

五十三

洞口風生



軍山環秀

應山縣志

卷首

小河

馬坪港

圖

五十四



應山縣志
天澗雲深

卷首

圖

五十五



大河




應山縣志

卷首

寶林擁翠

御書亭



天井湖

仙洞波澄

應山縣志

卷首

圖

九七



應山縣志

卷首

釋滿泉繪并篆



圖

五六

